

H

1614

3066

L E T T R E

DE LA ROYNE AV
Parlement de Bretagne.



A PARIS;

Chez PIERRE CHEVALIER rue saint
Iacques, à l'Image saint Pierre,
prés les Mathurins.

M. DC. XIV.

Avec permission.

A. P. R. 13.

James, 3111

1875

W.D.C. XIV.

1871

LETTRE DE LA ROYNE

au Parlement de Bretagne.



ESSIEVRS

Je ne m'estois point hastee de vous escrire sur le sujet du parlement de ceste Cour de mon Nepueu le Prince de Condé, & des autres Princes qui en mesme temps s'en sont aussi retirez, d'autant que mondit Nepueu ayant prins congé du Roy, Monsieur mon fils, & de moy, avec promesse de reuenir toutes & quantesfois qu'il en seroit requis, pour le bien de son seruice, & les autres aussi ayant faict le semblable: l'ay creu que cest eslongnement estoit plustost pour visiter leurs maisons, & se donner le plaisir de la chasse, pour quelque temps; comme mondit Nepueu & les autres onefaiët souuent, que pour aucun autre dessein: Neantmoins ayant apprins plustost par bruit commun que par aucun autre aduis que i'ay eu de leur part, qu'ils monstrent auoir quelque mescontentement. l'ay faict ce qui m'a esté possible pour m'en esclaircir plus particu-

lierement, & avec d'autant plus de soing
 que ie croy qu'ils en ont moins de sujet.
 Car fils se pleignent pour ce qui est de
 leur interest particulier, ie puis dire avec
 verité, que mondit Nepueu & tous lesdicts
 Princes ont tousiours esté autant bien
 veus, caressés, accueillis & honorez par le
 Roy Monsieur mon fils & par moy, qu'ils le
 sçauoient raisonnablement desirer. Et
 pour ce qui touche l'administration des
 affaires, outre que par la forme ordinaire
 que nous y obseruons, tous les Princes
 Ducs & officiers de la couronne sont ad-
 mis aux Conseils qui se tiennent pour cest
 effect. Il est bien certain qu'il ne s'est pro-
 posé, traité ny negocié aucunes affaires
 importantes que lesdicts Princes, & specia-
 lemēt mondit Nepueu, ny ayent tousiours
 esté appelez, & mesmes qu'elles ont esté
 souuent differees & remises pour attendre
 leur commodité & presence, & d'auantage
 pour le regard de la distribution des graces
 & bienfaicts, chacun d'eux en leur parti-
 culier, & tous ceux qui ont esté recom-
 mandez de leur part, en ont receu de si
 bons, aduantageux & vtils effects, qu'ils
 n'auroient raison de s'en plaindre. Si puis
 apres il est question des affaires generales,
 elles ont esté administrees depuis la mort

du feu Roy Monseigneur, de telle sorte qu'il se peut recognoistre que nous n'auons riē obmis de ce qui pouuoit seruir au bien, grandeur & reputatiō de ceste Couronne, ayant prins soing pour le dehors de conseruer les amitez & alliances d'icelles avec tous les Princes & Estats voisins: Ce qui par la grace de Dieu nous a succedé si heureusement, que iamais elles ne furent en meilleur estat. Et pour ce qui est du dedans du Royaume, ayant donné ordre (comme chacun sçait) à faire obseruer soigneusement tous les Edicts de Pacification entre les subjects du Roy Monsieur mon fils, & de maintenir & conseruer tousiours entre eux vne bonne paix, vnion, repos & tranquillité; outre que i'ay apporté tout ce qui estoit en mon pouuoir, pour le soulagement du peuple, & puis dire en auoir eu tant de soing, qu'encores que nous ayons esté chargez de grandes & excessiues despences: neantmoins l'on n'a faict aucunes leuees ny impositions extraordinaires, & qu'au contraire il se trouuera qu'elles ont esté diminuees en plusieurs occasions. Et d'auantage nous auons maintenu & conserué tous les autres ordres & estats chacun en leur autorité & fonctiō accoustumee; tellement que ie ne puis cognoistre quel

veritable fondement lesdits Princes ny au-
 tres puissent pr  dre de se plaindre, ny pour
 le general, ny pour le particulier: Neant-
 moins consid  rant bien que ceste retraicte
 avec ces tesmoignages de mescontente-
 ment, & les brui  ts qui s'esp  ndent & aug-
 mentent    ceste occasion, pourroient pro-
 duire de mauuais effects dans les prouin-
 ces au preiudice du repos public. I'ay desi-
 r   prendre sur ce les moyens les plus con-
 uenables pour y remedier. Et pour cest ef-
 fect ayant fait assembler les Princes offi-
 ciers de la Couronne, & principaux du
 Conseil qui sont pres de nous. I'ay resolu
 par leur aduis d'enuoyer mon Cousin le
 Duc de Ventadour, & le sieur de Boissise
 Conseiller au Conseil d'Estat du Roy
 mon sieur & fils, vers mondit Neveu le
 Prince de Cond  , pour le c  uier & prier de
 reuenir aupres du Roy mondit sieur & fils,
 & de moy, pour y prendre & tenir le lieu
 & rang qui est deub    sa qualit  , &
 nous y donner ses conseils & assistance sur
 toutes ces occurrences, m  mes sur les
 gr  ds & importants affaires que nous au  s
 sur les bras,    quoy i'esp  re qu'il se resou-
 dra    leur arriuee aupres de luy, suiuant la
 promesse qu'il en a faite    son parlement.
 Et en suite de ce pour monst  rer clairement

la verité & sincerité de mes actions passées,
 & rechercher les voyes qui sont les meilleures pour donner vn bon ordre & affermissémēt au biē de cet Estat pour l'aduenir, mesmes sur l'entree de la maiorité du Roy mōdit sieur & fils. l'ay aussi estimé à propos de faire faire vne conuocation des principaux de tous les ordres & estats de chacune prouince de ce Royaume pour en faire vne notable assemblée, en laquelle l'on puisse prendre les resolutions conuenables à la dignité d'icelle, & au suiet pour lequel nous la ferons conuoquer. C'est ce que ie vous puis escrire pour le present sur le suiet de ce qui se passe de deça, & dont ie vous prie de tenir aduertis ceux qui sont dans l'estendue de vostre ressort, afin que chacun face son deuoir en sa charge, & prenne garde que toutes choses soient contenues sous l'autorité & obeissance du Roy mōdit sieur & fils, & l'observation de ses Edits selon l'ordre accoustumé, sans qu'il y soit apporté aucune nouveauté ny alteration, s'opposant à tous ceux qui voudroient en quelque sorte que ce soit troubler le repos de l'Estat: Et comme nous escriuons à toutes les villes principales de la prouince de Bretagne, pour les aduertir de se tenir sur leurs gardes, & de ne donner aucun lieu à

aucunes pratiques & menees qui se pour-
roient faire en icelles, au preiudice de leur
repos & du service du Roy mondit sieur &
fils: nous desirons que vous teniez la main
qu'ils y satisfacent, & y employez l'autho-
rité de vostre Parlement autant qu'elle y
sera requise, comme aussi en toutes autres
choses qui importeront au public & à l'au-
thorité Royale de mondit sieur & fils:
Ainsi que nous nous asseurons que vous
sçaurez bien faire, & nous en reposons sur
vous: que ie prie Dieu auoir, Messieurs,
en sa sainte & digne garde. Escrit à Paris
le 13. Feurier 1614.

Signé

MARIE.

Et au dessous,

POTIER.

& fuscite,

*A Messieurs les gens tenans la Cour de Parlement
de Bretagne pour le Roy mon sieur & fils.*